

清 葉天士 等著

上海衛生出版社

南
病
別
鑑

庫本樣

顧序

考工記謂材美工巧。然而不良。則不時不得地氣也。於是以橘踰淮。北爲枳。鸛鷀不踰濟。貉不踰汶。明遷地弗良之意。一再曰地氣然也。烏庠不得地氣。不能成良工。不察地氣。又曷爲良醫哉。九竅之變。猶是也。九藏之動。猶是也。然而齊與楚。言語不通。嗜欲不同焉。燕與越。言語不通。嗜欲不同焉。不同者地也。卽氣也。言語嗜欲。其氣之常。疾病則其氣之變也。用治齊者治楚。吾知其必難已。用治燕者治越。吾知其必增劇。無他。常者不能同。而變者反能同。未之有也。傷寒者。北方之病。而南人有病。輒曰傷寒何也。仲景之書徧天下。人習誦之。而忘其地氣之不同也。不幾用治齊者治楚。治燕者治越乎。已乎劇乎。國朝康熙間。吳中名醫輩出。薛氏一瓢。薛氏爲最著。葉有溫證論治。薛有經熱條辨。皆發明南人之病。不

用傷寒法。厥後公望薛氏。有傷寒辨證歌。名雖襲北。治實偏南。不外葉薛宗旨。宋君佑甫。爲公望外孫。治病之暇。取葉書詳註之。復合二薛所著。函三爲一。題曰南病別鑑。將授諸梓。問序於余。余不知醫。惟尋厥題名。證以考工。佑甫其能察地氣者乎。佑甫爲醫。其良者乎。

光緒九年歲次癸未五月元和顧文彬撰

徐序

康熙朝。吾吳葉香巖先生。醫名重當代。同時有一瓢徵君。繼起有松心老人。號稱鼎足。惟先生最爲正宗。足資後學模楷。所傳世著作幾種。皆及門采輯。醫案乃最著名者也。此溫證論治一編。較舌鑑舌辯。更加明晰。今得佑甫世棣逐條詮疏。尤覺精詳。佑甫爲薛公望先生外孫。好學深思。治病往往出人意表。而一軌乎正。豈非淵源有自耶。茲將付手民。屬書緣起。

時光緒己卯四月南宮後生徐康

畢序

醫書自靈素金匱後。代有名賢。著作幾於汗牛充棟。求其能上繼岐黃真傳。而有
益於後學者。渺不可得。推原其故。蓋由食古不化。致古人著作之精心。晦而難明。
或更妄求異說。自作聰明。或各立門戶。好爲奇僻。於南北地氣之分。性質強弱之
異。概置勿論。無怪醫道竟成絕學也。近有葉香巖先生溫證論治。薛一瓢先生濕
熱條辨。薛公望先生傷寒古風。議論精醇。根柢深厚。五行盡其變。五土異其宜。實
上繼靈素金匱之一脈。而大有功於後世者也。惜香巖一瓢兩先生之書。雖會稽
章虛谷注釋。而未得其詳。醫家深以爲憾。茲宋君佑甫。於治病之暇。朝夕披覽。詳
加註釋。俾前人之著述。瞭如指掌。真後學之津梁也。猶憶余十年前。得不寐疾。輾
轉牀褥。午夜徬徨。徧訪時醫。盡皆束手。後得佑甫診治。應手而愈。至今年逾六十。

日高三丈。猶作酣眠。始知佑甫於此道中。不知幾費揣摩。斯能臻此妙技。古人所謂三折肱者。真無愧焉。余故樂得而爲之序。
光緒己卯仲春既望。弇山畢長慶撰

宋序

天下至難爲者莫如醫。天下至易爲者亦莫如醫。必欲窮經義。索病源。對症施藥。務求中肯。此固難爲者也。苟其不讀古人書。不問病人因。妄曰憑脈知病。任意書方。偶然中病。愚夫愚婦。奉以爲奇事。卽暗被他傷。醫家病家。茫然不知。此又易爲者也。然以難爲者與易爲者較。豈獨不可同日而語。殆有爲善造孽之分歟。內經徵四失論曰。診病不問其始。憂患飲食之失節。起居之過度。或傷於毒。不先言此。卒持寸口。何病能中。妄言作名。爲蠱所窮。此之謂也。此固不在醫林。可置之勿論。夫司命者。望聞問切之外。尤須分別土地人情。如北方地寒人強。傷寒最多。故仲景立麻黃桂枝湯等。原有傷寒論可稽。而江以南。地卑濕多。人情柔弱。患傷寒者。不過百中一二。患濕熱者。十之八九。若以治傷寒者治濕熱。豈非大相徑庭耶。余

自幼喜讀醫書。素靈內經、仲景傷寒、金匱玉函等書而外。誦至葉香巖先生溫證論治。薛一瓢先生濕熱條辨。及外祖薛公望公傷寒古風三十一首。每朝夕服誦而不忍去。知其於江南人病最爲合法。惜香巖先生論口授。門人隨筆記錄。層次未楚。雖後人稍爲分排。而不有註釋。余因之。或參經旨。或集陳言。或從素見。增在句讀之下。非敢云註。以暢其說耳。稿既成。忽有人告予曰。會稽章君名虛谷者。曾有註釋。予卽購而閱之。竟超出萬萬。於是復加刪易。大半遵章君之註。不過使繁者簡之。晦者顯之。間或參以己見而標之。其濕熱條辨。章君亦詳註矣。而外祖公望公傷寒古風。已瞭如指掌。不敢謬加一詞。因襲三家名言。付之剞劂。爲案頭課徒之餘事。名之曰南病別鑑。謂與北方病迥異也。是爲序。

光緒戊寅孟春上浣平江宋兆淇佑甫氏序

薛序

掃葉莊。一瓢耕牧且讀之所也。維時殘月在窗。明星未稀。驚鳥出樹。荒鷄與飛蟲相亂。雜沓無序。少焉曉影漸分。則有小鳥鬧春。間關啁啾。盡巧極靡。寂淡山林。喧若朝市。不知何處老鶴。橫空而來。長唳一聲。羣鳥寂然。四顧山光。直落簷際。清靜耳根。始爲我有。於是盥漱初畢。伸紙磨墨。將數月以來所歷病機。與諸子弟。或闡發前人。或據己意。隨筆數行。錄竟讀之。如噉齏羹。寸寸各具酸鹹。要不與珍錯同登樽俎。亦未敢方乎橫空老鶴一聲長唳。薛雪書於掃葉山莊。

李序

薛氏濕熱論。乃家藏祕書。先君素精醫理。於是書尤深寶之。蓋其辨晰受病之原。委多由陽明太陰兩經。表裏相傳。其見之也確。其言之也詳。其治之也各得其宜。可爲後世法。莫能出其範圍者。我吳處江以南。地氣卑濕。患是病者最多。而治之者或稱爲濕溫傷寒。未能辨析。豈知如論所云。濕熱之病。不獨與傷寒不同。且與溫病大異哉。後不敢獨祕。亟壽棗梨。以公同志。俾審病者。不致歧誤焉。

道光九年九月元和李清俊跋

南
病
別
鑑
李
序

一
〇

南病別鑑目錄

卷上

葉香巖溫證論治

第一論溫病大概	一
第二論化熱入營	二
第三論邪留三焦	四
第四論裏結陽明	七
第五論白舌	八
第六論黃舌	九

第七論薄黃舌	一〇
第八論絳舌	一〇
第九論燥絳舌	一一
第十論紫舌	一三
第十一論淡紅舌	一四
第十二論芒刺舌	一四
第十三論血跡腫大舌	一四
第十四論如烟煤舌	一五
第十五論黑舌	一六

南病別鑑目錄

第十六論粉白滑舌并

斑疹……………一六

第十七論白痞……………一八

第十八論齒血……………一九

第十九論齒燥齒枯……………二〇

第二十論齒垢……………二一

第二十一論婦人溫病……………二二

卷中

薛生白濕熱條辨

濕熱論凡三十條……………一〇〇

卷下

薛公望傷寒直解辨證歌（附司

天在泉歌）

辨表分寒熱第一……………一
20

辨表分虛寒虛熱第二……………二

辨裏寒第三……………三

辨裏熱第四……………三

辨裏虛寒第五……………四

辨裏虛熱第六……………四

辨假虛寒第七……………五

辨假實熱第八	六
辨渴第九	六
辨舌第十	七
辨虛寒舌燥第十一	八
辨實熱舌燥第十二	九
辨寒頭痛第十三	九
辨熱頭痛第十四	一〇
辨虛頭痛第十五	一〇
辨風寒骨痛第十六	一一
辨虛骨痛第十七	一一
辨虛寒腹滿第十八	一二

23

辨實熱腹滿第十九	一二
辨虛寒不大便第二十	二三
辨實熱不大便第二十	二三
一	一三
辨小便不通第二十二	一四
辨嘔第二十三	一五
辨吐衄第二十四	一五
辨汗第二十五	一六
辨譫語第二十六	一七
辨面目赤第二十七	一八
辨下利第二十八	一八

南病別鑑目錄

辨厥第二十九……………一九

辨腹痛第三十……………二〇

辨脈脫第三十一……………二一

附司天在泉歌……………二三

續集 節錄辨證要略

看病必須先識病……………一

陰證……………二八

傷暑……………三〇

急下急溫……………六

生死脈候……………八

厥分寒熱辨……………一〇

結胸解……………一一

傷寒合病併病論……………二三

傷寒別名……………一四

南病別鑑

清 吳門 葉香巖 天士原著

吳門 宋兆淇 佑甫增註

卷上 溫證論治

第一論溫病大概

溫邪上受。首先犯肺。（風從寒化屬陰。故先受於足經。風從熱化屬陽。故先受於手經。）逆傳心胞。（心肺最近。邪盛傷營。即傳心胞。）肺主氣屬衛。心主血屬營。

辨營衛氣血。雖與傷寒同。若論治法。則與傷寒大異。（傷寒由太陽而傳入他經。當先辛溫發汗。溫邪由肺入胃。當先辛平解表。）蓋傷寒之邪。留戀在表。然後化熱入裏。溫邪則化熱最速。未傳心胞。邪尚在肺。肺合皮毛而主氣。故在表。初用辛涼散解。挾風加薄荷。牛蒡之屬。挾濕加蘆根。滑石之流。或透風於熱外。或滲濕於熱下。不與熱相搏。勢必孤矣。不爾。（初當辛平解散。若過涼遏。邪反內走。用溫發汗。劫津化火。）風挾溫熱而燥生。清竅必乾。謂水主之氣。不能上榮。兩陽（風與熱也）相劫也。（有陽虛氣不化液而燥。治宜甘溫。有積飲液不上升而燥。治宜甘辛。有陰液枯涸而乾燥。治宜酸甘。此風熱劫燥其津液。治宜甘寒。）濕與溫合。蒸鬱而蒙痺於上。清竅爲之壅塞。濁邪害清也。（滲濕透熱。佐以芳香。）其病有類傷寒。驗之之法。傷寒多有變症。溫病雖久。總在一經爲辨。

第二論化熱入營

此論化熱入營。其法與傷寒不同。蓋傷寒由表入裏。溫邪由肺入胃。其傳變之速。不可同日而語。故其治法。亦迥然有別。此論化熱入營。其法與傷寒不同。蓋傷寒由表入裏。溫邪由肺入胃。其傳變之速。不可同日而語。故其治法。亦迥然有別。